





George NO 76




George B.

X

469









Severus besuden Gregorius zu Monstereyck verstor  
vorumb für das Closter freiburg verlasson

Von der folgenden Botler Dürer mit einer schon  
vorher Markt. Luffen

Johan Corvus wider Martin Luffen. Vom Sacrament  
der altare

Billig Melancton wider die heere der wildertruffen

Georg Gregorius Bredeloff von Conig wider die kind  
dertruffen

Martin Luffen wider die wildertruffen

Auffzug bestlicher recht der artikel die ungerforn  
gottis macht und dem Evangelio mit dem  
oder zum wenigsten nicht widertruffen

Ein widertruffen vom freifürst Martin Luffen

Ein gründlicher Bericht vom Christlichen Lauff  
Johannis Landsprediger

Martin Luffen widertruffet ob man für dem sterben  
fliehen mag

Ein schrifftlicher Bericht zurfinden dütternallin und  
vornehmlich mit ij verhoffen

Landesrecht protestation darüber belangt vfften nachste  
zu spure


Verlegung zurinn p d'igen so d'olan Post zu hauptzig gottsam  
vberan mag

Entschuldigung des lautgraffen auff die artikel. so im außgubst

WON









Dem v  
hann  
fan



ben geant  
liche zeit h  
nicht viel l  
habe ich er  
zickheit en  
vnd warh  
vnd gnade  
sere fragen

Tu ab  
mütiget/ d  
geret/ auff  
synn vnd l  
wir euch h  
vnd wir yr  
selbigen m  
Christen. v



Dem würdigen Herrn Doctor Jo:  
hanni Wess pfarher zu Breslaw/  
samt seinen mit dienern ym  
Euangelio Christi.  
Martinus Luther.



**N**ad vnd fride von Gott  
vnserm vater vnd dem HERRN Ihesu  
Christo. Ewr frage/ so yhr anher gen Wite  
temberg zu vns geschickt habet/nemlich/ob  
ein Christen menschen gezyme zufliehen yñ  
sterbens leüßten haben wir langst empfan  
gen. Vnd sölten auch wol langst drauff ha  
ben geantwortet/ Aber Gott der allmechtige hat mich et  
liche zeit her ymnder zucht vnd staupe so hart gehalten/ das  
nicht viel lesens noch schreibens hat bey mir sein mügen. So  
habe ich euch gedacht/ Weil Gott der vater aller barmher  
zikeit euch so reichlich begabet hat mit allerley verstand  
vnd warheit yñ Christo/ würdet yhr/ durch des selbigen geist  
vnd gnade/ wol selbst/ on vnser zuthun/ solche vnd wol größ  
ere fragen entscheiden vnd richten.

tu aber ewr anhalten nicht ablest/ vnd euch so fast be  
mütiget/ das yhr auch vnser meynung hierynn zu wissen be  
geret/ auff das ( wie/ S. Paulus allenthalben leret ) eynerley  
synn vnd lere bey vns allensampt erfunden werde/ so geben  
wir euch hiemit vnser meynung/ so viel vns Gott verleyhet/  
vnd wir ymer begreifen mügen zuerkennen/ Vnd wöllen die  
selbigen mit aller demut/ ewrem verstand/ vnd aller frumer  
Christen wie sichs gebürt/ zu vrteilen vnd richten vnterwor  
A ij ssen ha



ffen haben/ Vnd nach dem auch bey vns alhie vnd anders  
wo mehr/ des sterbens geschrey gehet/ haben wirs durch den  
druck lassen ausgehen/ ob villeicht auch andere/ solcher vnser  
vnterricht begeren vnd brauchen würden.

Auffs erste/ stehen etliche feste drauff/ Man müsse vnd  
solle nicht fliehen ym sterbens leufften/ sondern weil das ster  
ben ist eine straffe Gottes vns zugeschickt vmb vnser sünde  
willen/ solle man Gott stil halten vnd der straffe geduldig  
lich erwarten/ ym rechtem festen glawben/ Vnd achtens  
schier für vnrecht vnd misglawben an Gott/ Die andern  
aber halten/ Man müge wol fliehen/ sonderlich die so nicht  
mit empten verhafftet sind.

Die ersten/ weis ich yhrer guten meynunge halben nicht  
zu tadeln/ Denn sie eine gute sache rhümen/ Nemlich/ einen  
starcken glawben. Vnd sind zu loben ym dem/ das sie ger  
ne wölten alle Christen ym starcken festen glawben haben/  
Es gehört auch nicht ein Milchglawe dazu/ das man desto  
des gewarte/ für welchem sich auch fast alle heiligen entsetzt  
haben/ vnd noch entsetzen/ Vnd wer wolt die nicht loben/ die  
mit ernst so gesymmet sind/ das sie des todes nicht gros ach  
ten/ vnd sich vnter Gottes rute williglich geben/ so ferne das  
solchs auch geschehe/ on Gottes versuchunge/ wie wir hören  
werden.

Aber weil es vnter den Christen so gethan ist/ das der  
starcken wenig vñ der schwachen viel sind/ kan man für war  
nicht einerley allen auff laden zu tragen/ Ein starckglew  
biger kan giffte trincken vnd schadet yhm nichts. Marc. vlti.  
Ein schwachglewbiger aber trincke den tod daran. Petrus  
künde auff dem meer gehen/ da er starck ym glawben war/  
Aber da er zweifelt vnd schwach ym glawben ward/ sanct er  
vnter vnd wolt ersauffen. Ein starcker so er mit eym sch  
wachen  
wachen

wachen w  
nach seiner  
zu tode.  
haben/ wie

Vnd t  
tod fliehen  
es geschid  
Wo yema  
auff das e  
rieffe/ Im  
selh vnd g  
ber sterben  
menschen.  
ym hymel  
vnd darin

Des  
als predig  
bleiben y  
licher bef  
schaff/ Al  
Denn ym  
höhestem  
wissen ste  
Doch wo  
nander se  
hen vern  
ich/ Es se  
verforger  
reit sind/  
seyner k  
sonst vie



wachen wandert/mus er warlich sich schicken / das er nicht  
nach seiner stercke lauffe/ Er lieffe sonst den schwachen balde  
zu tode. Tu wil Christus seine schwachen nicht verworffen  
haben/wie. S. Paulus Rom. 15. vnd .i. Cor. 12. leret.

Vnd das wirs kurz vnd eigentlich fassen/ sterben vnd  
tod fliehen / mag geschehen zweyerley weise. Das erst / so  
es geschicht widder Gotts wort vnd befelh/ Als nemlich/  
Wo yemand vmb Gotts wort willen gefangen were/ vnd  
auff das er dem tod entlieffe/ gots wort leucktet odder widder  
rieffe/ Inn solchem sal/ hat yderman einen öffentlichen be-  
felh vnd gebot von Christo/ das er nicht fliehen sondern lie-  
ber sterben sol/ wie er spricht / Wer mich verleucktet für den  
menschen/ den wil ich widder verleucken für meinem Vater  
ym hymel. Vnd Matt. 10. fürcht nicht die so den leib tödten  
vnd darnach nichts haben / das sie thun etc.

Desselbigen gleichen/ die so ym geistlichen ampt sind/  
als prediger vnd seelsörger/ sind auch schuldig zu stehen vnd  
bleiben ynn sterben vnd tods nöten/ Denn da stehet ein öffent-  
licher befelh Christi/ Ein guter hirt lest sein leben für seine  
schaff/ Aber ein miedling sibet den wolff komet/ vnd fleucht/  
Denn ym sterben darff man des geistlichen ampts am aller  
höhesten/ das da mit Gotts wort vnd Sacrament die ge-  
wissen stercke vñ tröste/ den tod ym glawben zu iberwinden.  
Doch wo der prediger so viel fürhanden were/ vnd sich vnter  
inander selbs vereinigen/ das sie etliche vnter yhn weg zu zi-  
hen vermaneten/ als die on not ynn solcher fahr blieben/ acht  
ich/ Es solt nicht funde sein/ weil das ampt sonst gnugsam  
versorget were/ vñ sie/ wo es not were/ zubleiben willig vñ be-  
reit sind/ Gleich wie man von S. Athanasio lisset/ das er von  
seyner kirchen flob/ auff das sein leben errettet würde / weil  
sonst viel da waren/ die des ampts warteten. Item, S. Paulus  
A ij lus



lus lieffen die brüder zu Damasco durch die mauren ynn einem Korbe/das er entran/ Acto. 9. Vnd Acto. 19. lies er sich die Jünger halten/das er sich nicht auff den marck gab ynn die fahr/weil es nicht not war.

Demnach sind auch alle die so ynn weltlichen ampten/ als Bürger meister vnd richter/vnd der gleichen/schuldig zu bleiben/Denn da ist abermal Gottes wort/das die weltlichen oberkeit einsetzt/vnd befilht die stad vnd land zu regiern/ schützen vnd handhaben/ wie S. Paulus Ro. 13. sagt Die oberkeit ist Gottes dienerin/friede zu handhaben etc. Denn es gar eine grosse sünde ist/ Ein ganze gemeine/die yemand zu versehen befolhen ist/so lassen on hewbt vnd regiment sitzen/ ynn aller fahr/ als ist/ Sewr/ Mörder/ Auffrur/ vnd allerley vnfall/ das der teuffel möchte zurichten/ weil kein ordnung da ist/ Vnd S. Paulus spricht/ Wer die seinen nicht versorgt/ verläßt den gla oben vnd ist erger denn ein Heide. Fliehen sie aber ia/ für grosser schwachheit/ das sie zu sehen/ vnd stellen an yhre stat gnugsame verwalter/ damit die gemeine wol versehen vnd verwaret sey / wie droben gesagt ist/ Vnd vleißig darnach forschen vnd drauff sehen/das also gebe.

Was nu von diesen zwey vmpften gesagt ist/ sol auch verstanden werden/ von allen andern personen/ so mit dienst odder pflicht verbunden sind ane mander/ Als Ein knecht sol nicht fliehen von seinem Herrn/noch eine magd von yhrer frawen/ Es sey denn mit wissen vnd vrlaub des Herrn odder frawen/ Widerümb ein Herr sol seinen knecht nicht lassen/ noch ein fraw yhre magd/ Es sey denn/ das sie dieselben sonst vnd anderswo versorgen gnugsamlich/ Denn ynn diesen stücken allen ist Gottes gebot/ das knecht vnd megde sollen gehorsam sein/ vnd sind verbunden/ Widerümb herrn vnd frawen yhr gesinde versorgen. Also auch ist Vater vnd mutter

vnd mutter  
er vnd mu  
zu helfen e  
vnd lohn g  
wie die mö  
stellen dem  
von den H

Dem  
münden v  
ben schuld  
stat andere  
es kan kein  
die der kra  
Denn ynn  
chten. Ich  
Ans welch  
das keins d  
dig ist yhm  
geholfen

Wo a  
siad/die d  
pflicht od  
schaffing  
zuor/ so e  
Da acht ic  
mand so k  
Gottes/ E  
schwach v  
solchs thu  
sondern n  
vnd bestel



vnd mutter gegen kindern/vnd widerumb kinder gegen va-  
ter vnd mutter durch Gottes gebot verbunden zu dienen vnd  
zu helfen etc. Item was gemeine personen sind/ auff sold  
vnd lohn gedingt/ als ein stad artzt/ stad diener/ soldener/ vnd  
wie die mögen genemet werden/ mügen nicht fliehen/ sie be-  
stellen denn andere tüchtige vnd gnugsame an yhre stat/ die  
von den Herren angenommen werden sollen.

Denn wo sonst kein eldern sind/ da sind auch die für  
münden vnd nehiste freundschaft bey yhren freunden zu blei-  
ben schuldig / odder yhe mit vleis verschaffen / das an yhre  
stat andere seyen/ die yhre krancken freunde versorgen. Ja  
es kan kein nachbar vom andern fliehen/ wo sonst nicht sind/  
die der krancken mügen an yhre stat warten vnd pflegen/  
Denn ym diesen fellen ist allerdinge der spruch Christi zusür-  
chten. Ich bin kranck gewesen vnd yhr besucht mich nicht etc  
Aus welchem spruch/ wir alle sind aneinander verbunden/  
das keins das ander lassen sol ym seynen nöten/ sondern schul-  
dig ist yhm beyzustehen vnd helfen/ wie er wolt yhm selber  
geholfen haben.

Wo aber solche not nicht ist/ vnd sonst genug für handen  
siad/ die da warten vnd versorgen/ Es sey durch yhr eigen  
pflicht odder wilt öre/ odder durch der schwachgleibigen ver-  
schaffung bestellet/ das man yhr nichts dazu bedarff/ Vnd  
zuuor/ so es die krancken nicht haben wollen/ sondern wegern  
Da acht ich/ sey es frey beyde zu fliehen vnd zubleiben. Ist yem-  
mand so keck vnd starck ym glawben/ der bleibe ym namen  
Gottes/ Er sündigt freylich dadurch nicht. Ist aber yemand  
schwach vnd fürchtig/ der fliehe ym namen Gottes/ Weil er  
solchs thut on nachteil seiner pflicht gegen seinem nehisten/  
sondern mit gnugsamer erstattung durch andere versorget  
vnd bestellet. Denn streben vnd tod zuziehen/ vnd das le-

A iij ben zur



ben zurrethen ist naturlich von Gott eingepflantz/ vnd nicht verboten/ wo es nicht widder Gott vnd den nehesten ist/ wie S. Paulus sagt Eph. 4. Niemand hasset sein fleisch/ sondern wartet vnd pflaget sein. Ja es ist geboten/ das ein iglicher sein leib vnd leben beware vñ nicht verwarlose/ soviel er ymer kan/ wie S. Paulus sagt .i. Cor. 12. Das Gott die geliedmas gesetzt hat ym leibe/ das ymer eins für das ander sorget vnd schaffet.

Ists doch nicht verboten/ sondern viel mehr geboten/ das wir ym schweis vnser angesichts/ vnser teglich narunge/ Kleidung vnd allerley notdurfft suchen/ vnd schaden odder not meyden/ wo wir können/ so ferne solchs geschehe/ on schaden odder nachteil der liebe vnd pflicht gegen vnsern nehesten/ Wie viel billicher ist den/ das man das leben suche zu erhalten vnd den tod fliehe/ wo es sein kan/ on nachteil des nehesten/ Sintemal leib vnd leben ia mehr sind/ denn speyse vñ Kleider/ wie Christus selbs sagt Matth. 5. Ist aber yemand so starck ym glawben/ das er williglich blosser/ hunger vnd not leiden kan/ on Gotts versuchen/ vnd sich nicht wil eraus erbeiten/ ob er wol künde/ der fare seines wegges auch/ Vnd verdamme die nicht/ die solchs nicht thun/ odder nicht thun können.

Das aber den tod fliehen/ für sich selbs/ nicht vnrecht sey/ beweisen gnugsam die exempel der schrift/ Abraham war ein grosser heilige/ noch furcht er den tod vnd floch yhm/ mit dem schein/ da er sein weib Sara seine Schwester nennet/ Aber weil er das thet on seines nehesten nachteil odder verfeumen/ wirds yhm für keine sünde gerechnet/ Desselbigen gleichen thet sein son Isaac auch. Item Jacob floh für seinem bruder Esau/ das er nicht ertödtet würde/ Item David floh für Saul vnd Absalom/ Vnd der Prophet Urias floh ym Egypten für dem könige Joakim. Auch Elias. 3. Regum 19. der thürstige prophet/ da er die Propheten Baal hatte al  
le or

le erwurget  
gyn Isebel  
sten. Vnd  
suchte/ floc  
Diese alle s  
vnd das leb  
mit nichts  
sie schuldig

Ja sp  
der Pestilen  
Antwort/  
zeuchte Got  
riff/ als di  
Mag man  
vnd gutem  
rigen exem  
das schwer  
ham/ Jaa  
re plage/ ne  
gypten zog  
so warumb  
So höre i  
solt niema  
alda der str  
war/ Wer  
verdamme

Also  
aus lauffe  
eine straffe  
nicht erau  
Göttlicher



le erwurget durch grossen glawben/ doch da yhm die Königin  
Isabel lies dreyen/ furcht er sich vnd floch ynn die wü-  
sten. Vnd für yhm/ Moses/ da yhn der König ynn Egypten  
suchte/ floch er yns land Midian/ Vnd so fort an viel andere.  
Diese alle sind für dem tode geflohen/ wo sie gemocht haben/  
vnd das leben errettet/ doch so ferne/ das sie dem nehisten das  
mit nichts entwand haben/ sondern zuuor ausgericht/ was  
sie schuldig waren.

Ja sprichstu/ Diese exempel reden nicht vom sterben od-  
der Pestilenz/ sondern vom tode/ so durch verfolgung kompt.  
Antwort/ Tod ist tod/ Er kome wo durch er kome/ So  
zeucht Gott seine vier plagen odder straffen an ym der sch-  
riffte/ als die Pestilenz/ Hunger/ Schwert vnd wilden thiere/  
Mag man nu der selbigen eine odder etliche fliehen mit Gott  
vnd gutem gewissen/ warumb auch nicht alle viere? Die vo-  
rigen exempel zeiten an/ wie die lieben heiligen Väter haben  
das schwert geflohen/ So ist's ia offenbar gnug/ das Abra-  
ham/ Isaac/ vnd Jacob mit seinen sonen flohen die ander-  
re plage/ nemlich den hunger odder theürunge/ da sie ynn E-  
gypten zogen für der teürunge/ wie wir ynn Genesi lesen. Als  
so warumb solt man nicht für den wilden thieren fliehen?  
So höre ich wol/ wenn ein krieg odder der Turck kome/ so  
solt niemand aus ein dorffe odder stedt in fliehen/ sondern  
alda der straffe Gottes durchs schwert erwartens? Ist wol  
war/ Wer so starck ist ym glawben/ der warte sein/ Aber er  
verdammte die nicht so da fliehen.

Also auch wenn ein haus brennete/ musste niemand er-  
aus lauffen odder zu lauffen zuretten/ Denn feur ist auch  
eine straffe Gottes/ Vnd wer ynn ein gros wasser fiel/ müste  
nicht eraus schwimmen/ sondern sich dem wasser lassen/ als  
Göttlicher straffe/ Wolan kanstu es thun/ So thues/ vnd  
B versuche



versuche Gott nicht/ Las aber die andern thun was sie vermügen Item/wenn einer ein beyn breche/ odder verwundet odder gebissen were/ must ers nicht heilen lassen/ sondern sagen/ Es ist Gottes straffe/die wil ich tragen/bis selber heylet/ Frost vnd winter ist auch Gottes straffe daran man mocht sterben/ Warumb leuffest du zum feur odder ym die stuben? Sey starck vnd bleibe ym frost bis es widder warm wird/ Mit der weise must man kein Apoteker noch ertzney noch ertzte haben/ Denn alle tranckheit sind Gottes straffe/ Hunger vnd durst ist auch grosse straffe vnd marter/ Warumb issestu vnd trinckestu denn/ vnd leffest dich nicht damit straffen/ bis selber auffhöret? Zu letzt solten vns wol solche rede dahin dringen/das wir das Vater vnser abteten vnd betten nicht mehr/ Er löse vns vom vbel Amen/ Sünemal allerley vbel auch Gottes straffe ist/ Vnd müsten hi für auch nicht bitten widder die helle noch sie meyden/ Denn die ist auch Gotes straffe/ Was wolt hieraus werden?

Aus dem allen nemen wir solche vnterricht/ Wir sollen widder allerley vbel bitten vnd auch vns dafür hueten/ wie wir können/ so ferne/das wir nicht widder Gott damit thun/ wie droben gesagt ist/ Wil vns Gott drynnen haben vnd wurgen/ so wird vnser hueten nichts helfen/ Auff das ein iglicher sein hertze also richte/ Erstlich/ ist er gebunden/ das er mus ym sterben bleiben/ seinem nehesten zu dienst/ so befelhe er sich Gott vnd spreche/ Herre ym deiner hand bin ich/ du hast mich hie angebunden/ Dein wille geschehe/ Denn ich bin dein arme Creatur/ Du kanst mich hieryn todten vnd erhalten/ so wol/ als wenn ich etwa ym feur/wasser/durst/ odder andere ferlickeit angebunden were. Ist er aber los vnd kan fliehen/ So befelhe er sich abermal vnd spreche/ Herr Gott ich bin schwach vnd fürchtesam/ Drum fliehe ich das vbel vnd thu so viel dazu als ich kan/ das ich mich da für huete/

huete/ Aber  
vnd allerley  
Denn mein  
vnfal allen  
nicht/ wilch  
halben eitel

Denn  
vnserm ne  
handeln/ V  
vnd helfer  
mag ich he  
odder grub  
wie ich kan  
bin ich frey  
yhn nicht l  
sehen die fa  
Denn wer  
er inuge es  
leibs/ der v  
wird alle  
fahr/ schad  
bey dem an  
Denn er m  
fal aus sein  
leib/ gut/ v

Denn  
sse seinen  
der ist für  
Episteln/  
Vnd aber  
seinen ne



huete/ Aber ich bin gleichwol ynn deiner hand ynn diesem  
vnd allerley vbel/ so mir begeggen mugen/ Dein wil geschehe/  
Denn meine flucht wirds nicht thun/ Sintemal eitel vbel vñ  
vnfal allenthalben ist/ Denn der teuffel seyret vnd schlesst  
nicht/ wilcher ist ein morder von anfang/ vnd sucht allent  
halben eitel mord vnd vnglück an zurichten.

Denn auff die weise müssen wir vnd sind schuldig mit  
vnsern nehesten/ auch ynn allen andern nöten vnd fahr zu  
handeln/ Brennet sein haus/ so heisst mich die liebe zu lauffen  
vnd helfen leschen/ Ist sonst volck genug da das leschen kan/  
mag ich heym gehen/ oder da bleibene. Sallet er yñ ein wasser/  
odder gruben/ so mus ich nicht dauon/ sondern zu lauffen/  
wie ich kan/ vnd yhm helfen/ Sind ander da die es thun/ so  
bin ich frey. Siehe ich das er hungert odder dürstet/ so mus ich  
yhn nicht lassen/ sondern speisen vnd trencken/ vnd nicht an  
sehen die fahr/ ob ich arm odder geringer da durch werde/  
Denn wer dem andern nicht ehe wil helfen vnd beystehen/  
er muge es denn thun/ on fahr vnd schaden seines guts odder  
leibs/ der wird nymmer nicht seinem nehesten helfen/ Denn es  
wird allezeit sich ansehen als sey es yhm selbs ein abbruch/  
fahr/ schaden odder verseummis. Kan doch kein nachbar  
bey dem andern wonen on fahr/ leibs/ guts/ weibs vnd kinds/  
Denn er mus mit yhm wagen/ das ein sewr odder ander vn  
fal aus seines nachbars hause kome/ vnd verderbe yhn mit  
leib/ gut/ weib vnd kind vnd allem was er hat.

Denn wo einer dem andern solchs nit thut/ sondern lie  
ffe seinen nehesten so liegen ynn nöten/ vnd flohe von yhm/  
der ist für Got ein morder / wie. S. Johannes sagt ynn seiner  
Episteln/ Wer seinen bruder nicht liebt der ist ein morder/  
Vnd abermal/ So yemand dieser welt güter hat/ vnd sihet  
seinen nehesten not leiden/ wie bleibt die liebe Gottes ynn

B ij yhm



yhm/ Denn das ist auch der sunden eine/ die Gott der stad  
Sodoma zurechent/ da er spricht durch den Propheten E  
sechiel/ Siehe das war die sünde deiner Schwester Sodoma.  
Müssiggang/ fülle vnd gnuge/ vnd reichten dem armen die  
hand nicht/ So wird auch Christus am Jüngsten tage  
sie verdammen als mörder/ da er sprechen wird/ Ich war  
franc vnd yhr besuchet mich nicht. So aber die sollen so  
geurteilt werden/ die zu den armen vnd franken nicht ge  
hen vnd hülffe anbieten/ Wie wils den gehen/ die von yhm  
lauffen/ vnd lassen sie liegen wie die hunde vnd sewer/ Ja wie  
wils denen gehen die den armen noch dazu nemen was sie ha  
ben vnd legen yhn alle plage an/ Wie yzt die Tyrannen  
thun mit den armen leuten/ so das Euangelion an nemen/  
Aber las gehen/ sie haben yhre vrteil.

Wol war ist/ wo ein solch stadlich regiment ynn sted  
ten vnd landen ist/ das man gemeine heuser vnd spital/ kan  
halten/ vnd mit leuten/ die yhr warren / versorgen/ da hin  
man aus allen heusern alle franken verordenete / wie denn  
vnsere vorfaren freylich solchs gesucht vnd gemeinet haben/  
mit so viel stifften/ spitalen vnd siechheusern/ das nicht ein ig  
licher bürger ynn seinem hause must ein spital halten/ das  
were wol sein/ löblich vnd Christlich/ da auch billich yder  
man mildiglich zu geben vnd helfen solte/ sonderlich die  
oberkeit/ Wo aber das nicht/ als denn an wenig orten ist/ Da  
mussen wir fur war/ einer des andern spital meister vnd pfle  
ger sein ynn seinen nöten/ bey verlust der seligkeit vnd Gottes  
gnaden/ Denn da stehet Gorts wort vnd gebot. Liebe  
deinen nehisten als dich selbs/ Vnd Matt. 7. Was yhr wol  
let das euch die leute thun sollen/ das thut auch yhr densel  
bigen.

Wo nu das sterben hinkomet/ da sollen wir so do blei  
ben/ vns rusten vnd trösten/ sonderlich/ das wir aneinander  
verbnu

verbunden  
ssen können  
das wirs ge  
nicht allein  
ben vnd lie  
hen vnd eu  
Die liebe a  
nehesten ste  
Pestilenz/  
bracht/ gl  
giffen/ od  
mit die tod  
gleichwol  
mit gedult  
also vnser l  
vnd sprich  
len wir au

So ab  
cken an stö  
en vnd trö  
solche scher  
ein bitter b  
zu töden v  
wil/ das er  
auff das v  
das leben k  
zu diesem l  
gen/ das  
reit zum st  
als ym tun  
gessen vnd  
vns also v



verbunden sind (wie droben erzelet ist) das wir vns nicht lassen können/noch fliehen von einander. Erstlich damit/ das wirs gewis sind/ Es sey Gottes straffe/vns zugeschickt/ nicht alleine die sünde zu straffen/ sondern auch vnsern glawben vnd liebe zumer suchen/ Den glawben / auff das wir sehen vnd erfaren / wie wir vns gegen Gott stellen wollen. Die liebe aber/ auff das man sehe / wie wir vns gegen den nehesten stellen wollen/ Denn wie wol ich achte / das alle pestilenz/ durch die bösen geister werden vnter die leute gebracht / gleich wie auch andere plagen / das sie die lufft vergifften/ odder sonst mit einem bösen odem anblasen/vnd damit die todliche giffte ynn das fleisch schiessen/ So ist doch gleichwol Gottes verhengnis vnd seine straffe / der wir vns mit gedult vntergeben sollen/ vnd vnserm nehesten zu dienst/ also vnser leben ynn die fahr setzen / wie S. Johannes leret vnd spricht/ Hat Christus sein leben für vns gegeben/ so sollen wir auch für die brüder vnser leben lassen.

So aber yemand das graven vnd schawen für den kranken an stößet / Der sol einen mit nemen vnd sich also stercken vnd trösten / das er nicht zweiffel / Es sey der teuffel/ der solche schew/furcht vnd graven erregt ym hertzen/ Denn so ein bitter böser teuffel ist / das er nicht alleine on vnterlass zu tödten vnd morden sucht / sondern seine lust damit busen wil/das er vns schew/erschrecktvnd verzagt zum tode mache/ auff das vns der tod ia auffss aller bitterst werde/ odder yhe das leben kein ruge noch fride habe/vnd vns also mit drecke zu diesem leben hinaus stosse / ob ers mocht zu wegen bringen / das wir an Gott verzweifelen/vnwillig vnd unbereit zum sterben wurden/ vnd ynn solcher furcht vnd sorge/ als ym tunckeln wetter/ Christum vnser liecht vnd leben vergessen vnd verloren vnd den nehesten ynn nöten lieffen/vnd vns also versündigeten an Gott vnd menschen/das were sein

B ij hertz

Gott der stad  
propheten  
er Sodoma.  
im armen die  
dingsten tage  
d/ Ich war  
die sollen so  
en nicht ge  
die von yhm  
we? Ja wie  
n was sie ha  
e. Tyrannen  
t an nemen

nt ynn sted  
ospital/ kan  
gen/ da hin  
re / wie denn  
inet haben/  
nicht ein ig  
halten/ das  
illich yder  
nderlich die  
rten ist/ Da  
r vnd pfl  
nd Gottes  
Liebe  
s yhr wol  
yhr densel

so do blei  
aneinander  
verbun



hertz vnd lust / Weil wir denn wissen / das des teuffels spiel  
ist solch schrecken vnd furchten / so sollen wir widerumb  
vns desselbigen nur deste weniger an nemen / yhm zu troz vñ  
verdries einen mut fassen / vnd sein schrecken wider auff yhn  
treiben vnd von vns weisen / Vnd mit solcher rüstunge vns  
weren vnd sagen.

Heb dich teuffel mit dein schrecken / Vnd weil dichs  
verdreust / so wil ich dir zu troz nur deste ehe hinzugehen zu  
meinem nehesten Francken / yhm zu helffen / vnd wil dich  
nicht ansehen / Vnd wil auff zwey stuck gegen dich pochen /  
Das erst ist / das ich für war weis / das dis werck Gotte vnd  
allen Engeln wolgefellet / vnd wo ichs thu / das ich ym sei  
nem willen vnd rechten Gots dienst vnd gehorsam gehe /  
vnd sonderlich weil es dir so vbelgefellet / vnd du dich so hart  
da wider setzest / so mus es freylich ym sonderheit Gotte ge  
fallen / Wie willig vnd frölich wolt ichs thun / wens nur ein  
nem Engel wol gefiele der mir zusehe vnd sich mein drüber  
frewete / Tu es aber meym Herrn Ihesu Christo vnd dem  
ganzen hymnischen heere wol gefellet / vnd ist Gotts meins  
Vaters willen vnd gepot / was solt mich dein schrecken denn  
bewegen / das ich solche freude ym hymel vñ lust meins Herrn  
solt hindern / vnd dir mit deinen teuffeln ym der helle ein ge  
lechter vnd gespöt vber mich anrichten vnd hosieren / Nicht  
also / du soltes nicht enden / Hat Christus sein blat für mich  
vergossen vnd sich vmb meinen willen ym den tod gegeben /  
Warumb solt ich nicht auch vmb seinen willen mich ym ei  
ne kleine fahr geben / vnd ein amechtige Pestilenz nicht thun  
ren ansehen / Kanstu schrecken / so kan mein Christus sterckē /  
Kanstu tödten / so kan Christus leben geben / Hastu gift ym  
maul / Christus hat noch viel mehr ertzney. Solt mein lie  
ber Christus / mit sein gepot / mit seiner wolthat vnd allem  
trost nicht mehr gelten ym meinē geist denn du leydiger teu  
ffel

ffel mit dein  
fleisch / das u  
der mich / H  
werck / der so

Das an  
er verträstet  
Psalm. 41. V  
wird der H  
yhn beware  
gehen auff  
Der H. R.  
tages / sein t  
Sind das n  
hauffen era  
men? Was  
solchen gro  
ding / vmb  
gen / gegen  
Das wol S  
licheit ist zu  
lebens vnd  
denn Gott  
hesten dien  
chen frant  
meyniglich  
werden / d  
Psalm sag  
eit / das ist  
lager ein g  
tet vmb ge  
em werck  
werde vñ



ffel mit deinem falschen schrecken ynn meinem schwachen  
fleisch/das wölt Gott nymer mehr/ Zeb dich teuffel hin  
der mich/ Hie ist Christus vnd ich sein diener ynn diesem  
werck/ der sols walten **A M E N.**

Das ander ist / die starcke verheissunge Gottes/damit  
er vertröstet alle die so sich derdürstigen annemen vñ spricht  
Psaln. 41. Wol dem der sich des dürstigen annympt / den  
wird der **HERR** erretten zur bösen zeit. Der **HERR** wird  
yhn bewaren vnd beyhm leben erhalten vnd yhm lassen wol  
gehen aufferden vnd nicht geben ynn seiner feinde willen/  
Der **HERR** wird yhn erquicken auff dem bette seines wech  
tages/sein ganzes lager wandelstu ynn seiner franckheit.  
Sind das nicht herliche mechtige verheissunge Gottes/mit  
hauffen eraus geschut auff die/so sich der dürstigen an ne  
men? Was solt doch einen schrecken odder bewegen widder  
solchen grossen trost Gottes? Es ist fürwar ein schlecht  
ding / vmb den dienst / den wir thun mügen an den dürst  
igen / gegen solche verheissunge vnd vergeltunge Gottes/  
Das wol Sanct Paulus sagt zu Timotheo/ Die Göttsel  
lichkeit ist zu allerley nutz / vnd hat verheissunge beyde dieses  
lebens vnd des zukunfftigen. Gottseligkeit ist nicht anders  
denn Gottes dienst / Gottes dienst ist freylich/so man dem ne  
hesten dienet. Es beweiset auch die erfarnunge/das die so sol  
chen francken dienen mit lieb/andacht vnd ernst/ das sie ge  
meyniglich behütet werden/ Vnd ob sie gleich auch vergiffte  
werden / das yhn dennoch nicht schadet/gleich wie hie der  
Psaln sagt/ Sein ganzes lager wandelstu ynn seiner fran  
ckheit / das ist/ du machst yhm aus dem siechbette vnd franck  
lager ein gesund lager etc. Wer aber eins francken war  
tet vmb geitz vnd erbeil willen / vñ sucht das seine ynn solch  
em werck / da ist es auch nicht wunder/ das er zu letzt vergiffte  
werde vnd beschmeist / das er hünmach fare vnd auch sterbe/  
**B** iij ehe



ehe denn er das gut odder erbe besitze.

Wer aber auff diese tröstliche verheißung solchs thut/  
ob er gleich einen zymlichen lohn drumby nympt/ als der es  
wol bedarff ( siutemal ein iglicher tagelöhner seins lohns  
werd ist) Der selbige hat hie widderumb einen grossen trost/  
das sein sol widdergewartet werden/ Got wil selbs sein war-  
ter sein/ dazu auch sein arzt sein. O welch ein warter ist das/  
O welch ein arzt ist das/ Lieber was sind alle ertzte/ apoteken  
vnd warter gegen Gott? Solt einem das nicht einen mut  
machen/ zu den francken zu gehen vnd yhm dienen/ wenn  
gleich so viel druse vnd Pestilenz an yhm weren/ als hare  
an ganzen leibe / vnd ob er gleich müste hundert Pestilenz  
an seym halse eraustragen? Was sind alle Pestilenz vnd  
teuffel gegen Gott/ der sich hie zum warter vnd arzt verbind-  
det vnd verpflicht? Pfw dich vnd aber pfw dich/ du leydi-  
ger vnglawbe / das du solchen reichen trost solt verachten/  
vnd lest dich eine kleine druse vnd vngewisse fahr mehr sch-  
recken/ denn solche Göcliche/ gewisse/ trewe verheißunge ster-  
cken. Was hilffs / wenn alle ertzte da weren vnd alle welt  
dein müste warten/ Gott aber were nicht da? Vnd widder-  
umb / was schadets/ wenn alle welt von dir ließe vnd kein  
arzt bey dir bliebe/ so Gott aber bey dir bliebe / mit solcher  
verheißung? Meinstu nicht / das du als denn mit viel tau-  
sent Engeln vmbgeben bist/ die auff dich sehen/ das du die  
Pestilenz mit füssen magst treten? Wie ym. 91. Psalm stehet/  
Er hat seinen Engeln befolhen vber dir/ das sie dich bewa-  
ren auff allen deinen wegen / Auff den henden werden sie  
dich tragen/ das du deinen fuis nicht an einen stein stoffest/  
Auff dem lewen vnd ottern wirstu gehen/ vnd treten auff  
den iüngern lewen vnd drachen.

Darumb lieben freinde / laß vns nicht so verzugt  
sein

sein vnd die  
vnd für des  
vber vns  
allen Engeln  
gewislich  
heißunge  
nöten / da  
vnd ein m  
sten / Vnd  
ren (sorge  
den Psalm  
der/ so sich  
vnd verles  
auch nicht  
fliehen vnt  
ten noch b  
wol gehen  
Der HERR  
wehtrages  
heit/ Dem  
gemessen  
ist schreck  
aller schre  
die hand  
alles vbel  
sten verles  
lichen gen  
dafür.

Das v  
mutter iz  
das er ger  
er wöllen  
alle zu lau



sein vnd die vnsern/so wir verpflicht sind/ nicht so verlassen  
vnd für des teuffels schrecken so schendlich fliehen/ davon er  
vber vns eine freude vnd spot / vnd Gott onzweifel sampt  
allen Engeln einen vnwillen vnd vnlust hat/ Denn das wird  
gewislich widderumb war sein/ Das wer solche reiche ver-  
heissunge vnd Gottes gebot veracht/ vnd die seinen lest ym-  
nsten / das der schuldig wird sein an allen gebotten Gottes/  
vnd ein mörder erfunden werden an seinem verlassen nehe-  
sten / Vnd da werden sich denn solche verheissunge umbke-  
ren (sorge ich) vnd ym grausam dreyen verwandeln vnd  
den Psalm widder die selbigen also deuten/ Unselig ist  
der/so sich des dürfftigen nicht annympt / sondern fleucht  
vnd verlest / Den selbigen wird der HERR widderumb  
auch nicht erretten zur bösen zeit / sondern auch von yhm  
fliehen vnd verlassen/ Der HERR wird yhn nicht behue-  
ten noch beym leben erhalten / Vnd wirds yhm nicht lassen  
wol gehen auff erden/ sondern geben ym seiner feinde hende/  
Der HERR wird yhn nicht erquickten auff dem bette seines  
wehrages / noch sein lager verwandeln ym seiner krank-  
heit/ Denn mit welchem mas wir messen/ wird vns widder  
gemessen werden/ Da wird nicht anders aus/ Solchs aber  
ist schrecklich zu hören / nach schrecklicher zu gewarten/ vnd  
aller schrecklichst zu erfahren/ Denn was kan da sein/ da Gott  
die hand abethut vnd verlest/ anders denn eitel teuffel vnd  
alles vbel/ Tu kans nicht anders sein/ wo man so den nehe-  
sten verlest widder Gottes wort vnd gebot/ Vnd wird eym ig-  
lichen gewislich also ergehen/ Er thu denn gar redliche busse  
dafür.

Das weis ich aber wol/ wenn Christus selbs odder seine  
mutter izt etwa krank lege/ da were ein iglicher so andechtig  
das er gerne diener vnd helffer wolt sein/ Da wurde ein iglich  
er wöllen künne vnd keck sein/ Niemand wolt fliehen/ sondern  
alle zu lauffen. Vnd hören doch nicht/ das er selbs spricht/  
C Was

solchs thut/  
apt/ als der es  
seins lohns  
grossen trost/  
bs sein war/  
rter ist's das/  
ste/apoteken  
ht einen mit  
ienem / wenn  
ren/ als hare  
rt Pestilenz  
estilenz vnd  
arzt verbin-  
ch/ du leydi-  
t verachten/  
r mehr sch-  
eissunge ster-  
nd alle welt  
Vnd widder-  
sse vnd kein  
mit solcher  
mit viel tau-  
das du die  
salm stehet/  
dich bewa-  
werden sie  
ein stoffest/  
erretten auff

so verzuge  
sein



Was yhr den geringsten thut/ das thut yhr mirselbs/ Vnd  
der vom ersten gebot sagt/ spricht er/ Das ander gebot ist  
dem gleich/ du solt deinen nehisten lieben als dich selbs/ Da  
hörestu/ das der liebe gebot zum nehesten/ gleich sey dem er-  
sten gebot/ der liebe zu Gott/ Vnd was du deinem nehisten  
thust odder ledest/ sol heißen so viel als Gott selber gethan  
vnd gelassen/ Wiltu nu Christo selber dienen vnd sein war-  
ten/ Wolan so hastu da für dir deinen krancken nehisten/ ge-  
he hin zu yhm vnd diene yhm/ so findestu gewislich Chris-  
stum an yhm/ nicht nach der person/ sondern ynn seinem  
wort/ Wiltu aber vnd magst deinem nehisten nicht dienen/  
so glawbe für war/ wenn Christus selbs da were/ du thettest  
eben auch also/ vnd lieffest yhm liegen/ Vnd ist nichts bey dir/  
denn eitel falsche gedanken/ die dir einen vnnützen dunckel  
machen/ wie du Christo woltest dienen/ wenn er da were/  
Es sind eitel lügen/ denn wer Christo leiblich dienen wurd/  
der dienete seinem nehisten auch wol/ Das sey gesagt zur  
vermanung vnd trost/ widder das schendliche fliehen vnd  
schrecken/ da mit der teuffel vns ansicht/ widder Gotts wort  
vnd gebot zu thun an vnserm nehesten vnd sundigen alzu seer  
auff der lincken seitten.

Widderumb sundigen ettliche alzu seer auff die rechten  
seytten/ vnd sind alzu vermessen vnd keck/ also das sie Gott  
versuchen vnd lassen alles anstehen/ da mit sie dem sterben  
odder Pestilenz weren solten/ verachten ertzney zu nemen/ vñ  
meyden nicht stete vnd person/ so die Pestilenz gehabt vnd  
auffstomen sind/ Sondern zechen vnd spielen mit yhm/ wol-  
len damit yhre freydickeit beweisen/ vnd sagen/ Es sey Gots  
straffe/ wolle er sie behueten/ so wird ers wol thun/ on alle  
ertzney vnd vnsern vleis. Solchs heißt nicht Gott trawen/  
sondern Gott versuchen/ Denn Gott hat die ertzney geschaff  
en vnd die vernunfft gegeben/ dem leibe für zustehen vnd sein  
pflegen

pflegen/ da  
brancht so  
der verwa  
sein selbs n  
se möchte y  
ssen ansteh  
Wolle yhr  
wol on spe  
selbs mörd  
cher so sein  
hilffte were  
schmeissen  
wo er sein  
wurde als  
für Got ein  
ein haus y  
liesse dem  
wolte sage  
ser vnd les

Nicht  
sondern /  
kan/ reich  
stet da dei  
vnd stelle  
en dempff  
sewr/ das  
reiffet. Vn  
verhengn  
wil ich bit  
nach wil  
ben vnd n  
darff/ au



pflegen/das er gesund sey vnd lebe/ Wer derselbigen nicht  
braucht so er wol hat vnd kan/on seines nehesten schaden/  
der verwarloset seinen leib selbs/ vnd sehe zu/das er nicht  
sein selbs mörder erfunden werde für Gott/Denn mit der wei  
se möchte yemand auch essen vnd trincken kleider vnd haus la  
ssen anstehen/ vnd keck sein ynn seym glawben/ vnd sagen.  
Wolle yhn Gott behueten für hunger vnd frost/ werde ers  
wol on speise vnd kleider thun/ Derselbige were freylich sein  
selbs mörder. Zu dem/ist das noch grewlicher/das ein sol  
cher so seinen leib also verwarloset vnd der Pestilenz nicht  
hilfft weren/ so viel er kan/möchte damit auch viel ander be  
schmeissen vnd vergiffen/welche sonst wol lebendig blieben/  
wo er seines leibs ( wie er schuldig ist ) hette gewartet / vnd  
wurde also auch schuldig seines nehesten todes/ vnd viel mal  
für Got ein mörder/ Für war solche leute sind gerade/ als wenn  
ein hans ynn der stad brennete dem niemand werete/sondern  
liesse dem feur raxum/ das die ganze stad verbrennete/ vnd  
wolte sagen/ Wils Gott thun/so wird er die stad wol on was  
ser vnd leschen behueten.

Nicht also/meine lieben freunde/das ist nicht sein gethan/  
sondern / brauche der erzney / nym zu dir/was dich helffen  
kan/ reiche hant hoff vnd gassen / meyde auch person vnd  
stet da dein nehester dein nichts bedarff odder auffstomen ist/  
vnd stelle dich/ als einer / der ein gemein feur gerne wolt helff  
en dempffen / Denn was ist die Pestilenz anders denn ein  
feur/das nicht holtz vnd stro/ sondern leib vnd leben auff  
reisset. Vnd dencke also/Wolan der feind/hat vns durch gots  
verhengnis giff vnd tödliche geschmeis herein geschickt/ so  
wil ich bitten zu Gott/ das er vns gnedig sey vnd were. Dar  
nach wil ich auch reichern die lufft helffen seggen/ erzney ge  
ben vnd nemen/ meiden stet vnd person/ Da man mein nichts  
darff/ auff das ich mich selbs nicht verwarlose / vnd dazu  
C ij durch



durch mich vllleicht viel andere vergiffen vnd anzunden  
möchte / vnd yhm also durch meine hinlessigkeit vrsach des  
todes sein. Wil mich mein Gott darüber haben / so wird er  
mich wol finden / so hab ich doch gethan / das er mir zu thun  
gegeben hat / vnd bin widder an meinem eigen nach ander  
leute tode schuldig / Wo aber mein nehester mein darff / wil  
ich widder stet noch person meiden / sondern frey zu yhm ge  
hen / vnd helfen / wie droben gesagt ist / Sihe / das ist ein rech  
ter Gottfurchtiger glawbe / der nicht thumtune noch fregt ist /  
vnd versucht auch Gott nicht.

Widderumb der die Pestilentz gehabt / vnd zu kressen  
kompt / sol auch selbs die leute meiden / vnd nicht wollen  
bey sich leyden / on not. Denn wie wol man yhm sol ym sei  
ner not beystehen vnd nicht lassen / wie gesagt ist / So er aber  
in aus der not ist komen / sol er sich auch widderumb gegen  
die andern halten / das niemand vmb seinen willen ym sey  
ne ferlickeit kome / on not / vnd vrsache gebe einem andern  
zum tode / Denn wer ferlickeit liebt (spricht der weisse man)  
der wird drynnen verderben / Wenn man sich also ym ei  
ner stad hielte / das man keck ym glawben were / wo es der ne  
histen not foddert / Vnd widderumb fürsichtig / wo es nicht  
not were / vnd hilffe ein iglicher also der giftt weren / wo mit  
man kündte / so solt freylich ein gnedigs sterben ym solcher  
stad sein / Aber wens also zu gehet / das ein teil alzu verzagt ist  
vnd fleucht von seinem nehisten yñ der not / Das ander teil al  
zu thumt kñne / vnd nicht hilfft weren / sondern mehren / da  
hat der teuffel gut machen / vnd mus wol das sterben gros  
werden. Denn auff beiden seiten Gott vnd mensch hochlich  
beleidigt wird / hie mit versuchen / dort mit verzagen / So tagt  
denn der teuffel wer da fleucht / vnd behelt gleichwol den der  
da bleibt / das yhm also niemand entleufft.

Über das sind etliche noch erger / welche so die Pestilentz  
heymlich

heymlich h  
en glawbe  
vnd vergi  
hen also y  
ser / das sie  
vnd gefind  
wil wol gl  
das redlin  
las ich mit  
das sie mit  
der ym die  
nicht auch  
were diese  
zur schalck  
et / Ich we  
nich / ob u  
Vnd zwan  
ist der teu  
man solch  
vberantwo  
gen mörde  
recht me  
mörder st  
dennoch  
hie ein kin  
ben / vnd  
aus gerich  
zu wonen  
ich nicht  
keit / das  
sondern  
alten Te  
zu thun v



heymlich haben/vnter die leute ausgehen/vnd haben solch  
en glawben/wo sie anderleute kundten damit beschmeissen  
vnd vergifften/ so wurden sie der selbigen los vnd gesund/ ge  
hen also ynn solchem namen beide auff gassen vnd ynn heu  
ser/das sie die Pestilentz wollen andern odder yhren kindern  
vnd gesinde an den hals hengen/vnd sich damit erretten/Vñ  
wil wol glawben / das der teuffel solchs thu vnd helffe also  
das redlin treiben/das es also gehe vnd geschehe/ Auch  
las ich mir sagen/das etliche so verzweifelt boshafft g sind/  
das sie mit der Pestilentz alleine darumb vnter die leute/od  
der ynn die heuser lauffen/das yhn leyd ist/das die Pestilentz  
nicht auch da ist vnd wollen sie dahin bringen/ gerade als  
were diese sache ein solcher schertz / als wenn man yemand  
zur schalckheit leuse ynn pelz odder fliegen ynn die stuben setz  
et/ Ich weis nicht/ob ichs glawben sol/ Istts war/so weis ich  
nicht/ob wir deudschen / menschen odder selbs teuffel sind/  
Vnd zwar man findet vberalle masse grobe böse leute/ So  
ist der teuffel auch nicht faul/ Aber mein rad were/ wo  
man solche funde/das sie der richter beym kopffe neme vnd  
vberantwortet sie Meister Hansen/ als die rechten mutwillt  
gen mörder vñ bösewichter/ Was sind solche leute anders denn  
recht menchemorder ynn der stad f gleich wie die meuchels  
mörder stossen hie vnd dort ein messer durch einen/vnd mus  
dennoch niemand gethan haben/Also schmeissen diese auch/  
hie ein kind/ do ein weib/vnd mus auch niemand gethan ha  
ben / vnd gehen dennoch lachend dahin/ als hetten sie es wol  
aus gericht. Mit der weise/ were es besser bey wilden thieren  
zu wonen/denn bey solchen mörder. Diesen mörder weis  
ich nicht zu predigen/ sie achtens nicht/ Ich beselhs der ober  
keit / das die zusehe vnd mit hulff vnd rad / nicht der ertzte/  
sondern Meister Hansen dazu thu/ Hat nu Gott selbs ym  
alten Testament besolhen die aussetzigen aus der gemeine  
zu thun vnd aussen für der stad zu wonen / vmb das gesch

C ij meys



schneys zuermeyden. So sollen wir ia viel mehr also thun/  
ynn diesen ferlichen geschmeis / das so sie yemand kriegt/ sich  
als balde von den leuten selbs thu odder thun lasse/ vnd flur  
mit erzney hülffe gesucht/ Da sol man yhm helffen vnd ynn  
solcher not nicht lassen/ Wie ich droben genugsam habe an-  
gezeigt/ auff das also die giffte bey zeit gedempfft werde/ nicht  
alleine der einigen person / sondern der ganzen gemeyne zu  
gut / welche dadurch möcht vergiffte werden/ so man sie liesse  
so ausbrechen vnd vnter ander kómen/ Denn also ist itz  
vnsere Pestilenz hie zu Wittemberg / alleine aus geschmeysse  
hertómen/ Die lufft ist Gott lob noch frisch vnd rein/ Aber  
aus lauter thumtúnheit vnd verseümung / hat sie etlicher/  
vnd der wenig / vergiffte/ Wie wol der teuffel sein freunden  
spiel hat/ mit dem schrecken vnd fliehen/ so er vnter vns  
treibt / Gott wolt yhm weren **A M E N.**

Das ist vnsere verstand vnd meynung / von dem fliehen  
für dem sterben / So euch etwas anders düncken sol / das  
wolt euch Gott offenbaren Amen. Weil aber dieser brieff  
sol durch den druck ausgehen/ das auch die vnsere den selb-  
igen lesen sollen/ So sehe ichs für gut an/ eine kurze vnter-  
richt daneben zu stellen / wie man sich auch der seelen hal-  
ben schicken vnd halten sol/ ynn solchen sterbens leufften/  
wie wir denn die selbigen auch mündlich auff der Canzel  
gethan vnd teglich thun / damit wir auch vnserm ampt  
gung thun/ die wir zu seel sorgern beruffen sind. Erstlich  
sol man das volck vermanen / das sie zur kirchen ynn die  
predigt gehen vnd hören das sie lernen Gottes wort/ wie sie  
leben vnd sterben sollen/ Denn da sol man acht auff ha-  
ben das welche so rohe vnd rauchlos sind / das sie Gottes  
wort verachten weil sie leben / die sol man auch widder-  
umb lassen liegen ynn yhrer krankheit / Es sey denn/ das sie  
mit grossen ernst / mit weinen vnd klagen / yhre rew vnd  
busse

busse bewei-  
vnd des k-  
Sacramen-  
nemen / E-  
sich/ Denn  
den hunde-  
grobs verfi-  
für seine se-  
hin / wie d-

Zum  
vnd zum f-  
men alle a-  
sich mit se-  
das/ ob der  
Pfarher o-  
seine seele  
befolgen l-  
gros sterb-  
das sie zu  
le ding sa-  
sol ynn st-  
mig sein v-  
re schuld-  
en sonder  
gemeinen  
Gott ber-

Zum  
sorgern be-  
ansagen  
hand ny-  
ge ich da-



busse beweisen/ Denn wer wie ein Zeide odder hund wil leben  
vnd des kein öffentliche rewe hat/ den wöllen wir auch das  
Sacrament nicht reichen/ noch vnter der Christen zal an  
nemen/ Er mag sterben/ wie er gelebt hat/ vnd sehe für  
sich/ Denn wir sollen den sewen nicht perlen fürwerffen/ noch  
den hunden das heiligthum/ Man findet leider so viel  
gros verstockts pöfels/ das widder ym leben noch sterben  
für seine seele sorget/ gehen hin vnd liegen sterben auch da  
hin/ wie die klöze/ da widder synn noch gedancken ynn ist.

Zum andern/ das ein iglicher sich selbs zeitlich schicke  
vnd zum sterben bereite/ mit beichten vnd Sacrament ne  
men alle acht tage odder vierzechen tage ein mal/ versüne  
sich mit seinem nehesten/ vnd mache sein Testament/ auff  
das/ ob der Herr anklopffet vnd er vberreilet würde/ ehe denn  
Pfarher odder Caplan dazu komen künden/ er gleichwol  
seine seele versorget vnd nicht versümet/ sondern Gotte  
befolgen habe/ Denn es auch nicht wol möglich ist/ Wo  
gros sterben ist vnd nur zween odder drey seels örger sind/  
das sie zu allen gehen mügen/ vnd eym iglichen allererst al  
le ding sagen vnd leren/ was ein Christen mensch wissen  
sol ynn sterbens nöten/ Welche aber hierynn lessig vnd seü  
mig sein werden/ die geben für sich selbs rechnung vñ sey yh  
re schuld/ ob man nicht kan für yhrem bette/ einen teglich  
en sonderlichen predigstuel vnd altar halten/ weil sie den  
gemeinen predigstuel vnd altar so haben verachtet dazu sie  
Gott berniffen vnd gefoddert hat.

Zum dritten/ Wenn man aber ia der Caplan odder seel  
sorger begerd/ das man sie foddere odder lasse die francken  
ansagen/ bey zeit vnd ym anfangen/ ehe die franckheit vber  
hand nympt/ vnd noch synn vnd vernunft da ist/ Das sa  
ge ich darumb/ Dennes sind etliche so versümlich das sie  
C iij nicht



nicht ehe lassen foddern odder ansagē/bis die seel auff der zungen sitz/vñ sie nicht mehr reden können vñ wenig vernunft mehr da ist/Da bitten sie denn/ Lieber Herr/ sagt yhm das beste für etc. Aber vorhin wenn die krankheit anfehlet/wünschten sie nicht/das man zu yhm keme/sondern sprechen/Es hat nicht not/ Ich hoffe es sol besser werden/ Was sol doch ein frumer Pfarher mit solchen leuten machen/ die wider für leib noch seele sorgen & leben vnd sterben dahin wie ein viech/solchen sol man denn ym letzten augenblick das Euangelion sagen vnd das Sacrament reichen/gleich wie sie vnter dem Bapstum gewonet sind / da niemand gefragt hat/ ob sie glawben odder das Euangelion wissen/ sondern das Sacrament ynn den hals gestossen/ als ynn einen brodsack.

Nicht also/ Sondern/ Welcher nicht reden odder zeichen geben kan (sonderlich so ers so mutwilliglich verseümet) wie er das Euangelion vnd Sacrament glawbe/ verstehe vnd begere/ so wöllen wir es yhm nichts vberal reichen/ Denn vns ist befolhen / das heilige Sacrament/nicht den vnglawbigen / sondern den glawbigen zu reichen/ welche yhren glawben sagen vnd bekennen mügen/Die andern mügen fahren / wie sie glawben/ wir sind entschuldigt/ weil es wider an predigen / leren/ vermanen/ trösten/besuchen noch an yrgent eym vnsern ampt odder dienst seylet/ Das sey kürzlich die vnterricht/ so wir an den vnsern vben/Nicht für euch zu Breslaw geschrieben/Den Christus ist bey euch/ Der wird euch wol/on vnser zuthun/leren reichlich durch seine salbe/ alles was euch not ist/Dem sey lob vnd ehre sampt Gott dem Vater vnd heiligen geist ynn ewigkeit. **A M E N.**

Weil wir aber ynn diese sache komen sind vom sterben zu reden / kan ichs nicht lassen/ auch von dem begrebnis etwas zu reden/ Aufss erst/ las ich das die Doctores der  
ertzney

ertzney vrrte  
sey / das m  
weis vnd  
dunst odd  
dem aber a  
gen vrsach  
habe/ D  
schuldig d  
Gott vns  
wir sein sch  
vnd widde  
setzen / wo  
leben vnd  
mand lebe  
Paulus sa

Das  
sen ist/ bei  
gen vnd s  
vnd sie sin  
also zeigt  
stus der v  
Naim / v  
zum grad  
des land  
begrebnis  
für der sta  
begrebnis  
en hülle /  
Da her a  
hinaus tr  
trugen sie  
en alle z  
Dar  
das begr



ernney vrteilen vnd alle die des bas erfahren sind/ obs ferlich  
sey / das man mitten ynn stedten kirchhose hat / Denn ich  
weis vnd verstehe mich nichts drauff / ob aus den grebern  
dunst odder dampff gehe / der die lufft verrücke / Wo  
dem aber also were / so hat man aus obgesagten warnun-  
gen vrsachen gnug / das man den kirchhoff ausser der stad  
habe / Denn wie wir gehört haben / Sind wir allesampt  
schuldig der giffte zu weren / wo mit man vermag / Weil  
Gott vns besolhen hat vnser leibs also zu pflegen / das  
wir sein schonen vnd warten / so er vns nicht not zuschickt /  
vnd widerumb auch / denselbigen getrost wagen vnd auff  
setzen / wo es die not foddert / auff das wir damit / beide zu  
leben vnd zu sterben / seinem willen bereit sein / Denn nie-  
mand lebet yhm selber / niemand stirbet yhm selbs / als Sanct  
Paulus sagt Roma. 15.

Das weis ich wol / das bey den alten der brauch gewes-  
sen ist / beide vnter Jüden vnd Heiden / beide vnter heiligi-  
gen vnd sundern / das begrebnis ausser der stad zu haben /  
vnd sie sind ia so klug gewesen als wir sein mögen / Denn  
also zeige auch das Euangelion Sanct Lucas / da Chris-  
tus der widwen son vom tode auffweckt ym stadthor zu  
Claim / vnd der text sagt / Man trug yhm zur stad hinaus  
zum grabe vnd gieng viel volcks mit yhr / das freylich  
des land weise dazu mal gewesen ist / ausser den stedten die  
begrebnis zu haben / Auch Christus grab selbs aussen  
für der stad bereit war / Desselbigen gleichen Abraham sein  
begrebnis kauffte auff dem acker Ephron / bey der zwifach-  
en hüle / dahin sich die Patriarchen alle begraben liessen /  
Da her auch die Latinische sprache / Efferru heisset / das ist /  
hinaus tragen / das wir zum grabe tragen heissen / Denn sie  
trugen sie nicht alleine hinaus / sondern verbranten die leychn  
en alle zu puluer / auff das die lufft ia auffss reinest bliebe.

Darumb mein rat auch were / solchen exempeln nach /  
das begrebnis hinaus für die stad machen / Vnd zwar /  
D als

l auff der zun  
ig vernunfft  
gt yhm das  
ebet/wünsch  
chen/ Ey Es  
Das sol doch  
/ die widder  
ahin wie ein  
das Euan-  
wie sie vn  
gefragt hat/  
sondern das  
en brodsack.  
odder zeich  
lich versein  
glawbe/ ver  
eral reichen/  
nicht den vn  
welche yhren  
n mügen sa  
il es widder  
noch an yr  
as sey kürz  
icht für euch  
h/ Der wird  
ine salbe/ al  
Gott dem  
N.  
om sterben  
egrebnis et  
doctores der  
ernney



als wir hie zu Wittemberg einen kirchhoff haben / solte vns nicht alleine die not / sondern auch die andacht vnd ehrbarkeit dazu treiben / ein gemein begrebnis aussen für der stad zu machen / Denn ein begrebnis / solt ia billich ein feiner stiller ort sein / der abgesondert were von allen örten / drauff man mit andacht gehen vnd stehen kündte / den tod / das Jüngst gericht vnd auferstehung zu betrachten vnd betten / also das der selbige ort gleich eine ehrliche / ia fast ein heilige stete were / das einer mit fürcht vnd allen ehren drauff kündte wandeln / weil on zweifel / etliche heiligen da liegen / Vnd daselbst umbher an den wänden kund man solche andechtig bilder vnd gemelde lassen malen.

Aber vnser Kirchhoff / was ist er / vier odder funff gassen / vnd zween odder drey markt ist er / das nicht gemeiner odder vnstillter ort ist ynn der ganzen stad / denn eben der kirchhoff / da man teglich / ia tag vnd nacht vber leiff / beyde menschen vnd viehe / vnd ein iglicher aus seinem hause eine thür vnd gassen drauff hat / vnd allerley drauff geschicht / velleicht auch solche stücke / die nicht zu sagen sind / Dadurch wird denn die andacht vnd ehre gegen die begrebnis ganz vnd gar zu nicht / vnd helt yderman nicht mehr dauon / denn als wenn yemand vber einen schindenleich lieffe / das der Türcke nicht so vnerblich kündte den ort halten / als wir yhn halten / vnd solten doch daselbst eitel andacht schepffen / den tod vnd auferstehung bedencken vnd der heiligen so da liegen / schonen / Aber wie kan man solchs thun auff eym gemeinen ort / da yderman mus vberlaufen vnd für ydermans thür auffstehet / das / wenn ia ehr sol ym begrebnis gesucht sein / ich so mehr ynn der Elbe odder ym walde liegen wolt / Aber wenn das begrebnis draussen auff ein abgesonderten stillen ort lege / da niemand durch noch drauff lieffe / so were es gar geistlich / ehrlich vnd heilig anzusehen / vnd kündte auch zu gericht werden /

D ij

den /

den / das es  
ten / Das wer  
besser weis

Am ende

stus willen / d  
Gott vnd le  
leidigen Sa  
meist / sonde  
auch sonst d  
tan ist zorn  
den / darun  
land Jhesu  
dem Bapst  
pen musten  
Christus fle  
mir auff me  
dert aber / d  
berg komet  
mal drauff  
sehe doch / d  
eine wangk  
mehr man  
wer zuerh  
geschrieben  
rachen ger  
sterckt vnd  
behalte euch  
unbefleckt

A W

Se



den / das es zur andacht reyrte / die so drauff gehen wöl-  
ten / Das were mein rat / Wers thun wil / der thu es / Wers  
besser weis / der sare ymer fort / Ich bin niemands Herr.

Am ende aber vermanen vnd bitten wir euch / vmb Chri-  
stus willen / das yhr sampt vns helfft kempffen mit bitten zu  
Gott vnd leren widder die rechte geistliche Pestilentz des  
leidigen Satans / damit er izt die welt vergiffte vnd besch-  
meist / sonderlich / durch die Sacraments lesterer / Wie wol  
auch sonst daneben viel andere rotten auff gehen / Denn Sa-  
tan ist zornig / vnd salet villeicht den tag Christi fürhan-  
den / darumb tobet er so grewlich / vnd wil vns den Hei-  
land Ihesum Christ nemen / durch seine geisterey / Unter  
dem Bapstum war er eitel fleisch / das auch Munch Kap-  
pen musten heilig sein / nu wil er eitel geist sein / das auch  
Christus fleisch vnd wort sol nichts sein / Sie haben  
mir auff mein büchlin lengest geantwortet / Mich wun-  
dert aber / das bis auff diesen tag nicht her gen Wittem-  
berg komen ist / Ich wil / so Gott verleyhet / noch ein  
mal drauff antworten vnd darnach sie lassen faren / Ich  
sehe doch / das sie nür erger dauon werden / vnd sind wie  
eine wanzke / wilche von yhr selbs vbel stinckt / Aber yhe  
mehr man sie zu reibet / yhe erger sie stinckt / Vnd hoffe /  
wer zuerhalten ist / dem sey durch mein buchlin gnug  
geschriben / wie Denn Gottlob / viel dadurch aus yhrem  
rachen gerissen vnd noch viel mehr ynn der warheit ge-  
sterckt vnd bestetiget sind Christus vnser Herr vnd Heiland  
behalte euch alle ynn reinem glawben vnd brünstiger liebe  
vndesfleckt vnd vnstrefflich auff seinen tagsampt vns allen

A M E N. Bittet für mich armen sunder.

Bedruckt zu Wittemberg.  
durch Hans Lufft.

















1076  
Georg B.





















x-rite colorchecker CLASSIC



7